

## **NË EMËR TË POPOULLIT**

**GJYKATA THEMELORE NË GJILAN – Departamenti i Përgjithshëm, Divizioni Penal**, përmes gjyqtarës së vetme gjykuese Snezhana Mihajllloviq, me sekretaren juridike Suzana Kovaçeviq, në lëndën penale kundër të pandehurit Sh.R. nga ..., rruga “ ... ” me mbrojtësin H.L., av. nga ..., për shkak të veprës penale posedimi i paautorizuar i narkotikëve, substancave psikotrope dhe analoge nga neni 275 paragr.1 KPRK, lëndimi sipas aktakuzës së Prokurorisë Themelore në Gjilan, PP.II.nr.155/18 të dt.05.02.2018, të cilën e përfaqëson prokurorja e shtetit Kujtesa Fazliu, pas mbajtjes së seancës fillestare orale e publike lidhur me marrëveshjen për pranimin e fajësisë të lidhur në prokurori më dt. 22.02.2018, më dt. 18.04.2018 në prezencë të palëve publikisht shpalli

### **A K T G J Y K I M**

I pandehuri Sh.R. nga babai G. dhe nëna F.-K. i lindur më dt. ... në ..., ku edhe jeton, rruga “ ... ” i pamartuar, i arsimuar, ka të kryer shkollën e mesme, i gjendjes së mesme ekonomike, i gjykuar për armëmbajtje pa leje, nuk zhvillohet procedurë për vepër tjetër penale, shqiptar, shtetas i Republikës së Kosovës

### **Ë S H T Ë F A J T O R**

Sepse më dt. 23.01.2018 rreth orës 20:30 minuta në hyrje të fsh. ..., kom. ..., Njësiti Reagues i Stacionit policor në Gjilan, me oficerët V.K., N.R. dhe R.S., gjatë kontrollimit të një veture të markës “Golf 3” me targa të regjistrimit ... dhe kontrollimit fizik, te i pandehuri Sh.R. kanë gjetur 0,7 substancë narkotike të llojit “marihuanë” të cilën e kishte blerë nga një person kinse i panjohur, në vlerë prej 3€ për ta përdorur për nevoja të veta personale, me ç’rast substanca narkotike është sekuestruar dhe në këtë mënyrë i pandehuri me veprimet e tij pa leje dhe autorizim ka poseduar substancë të rrezikshme narkotike

- me çka ka kryer veprën penale posedimi i paautorizuar i narkotikëve, substancave psikotrope ose analoge, nga neni 275 paragr.1 KPRK.

Andaj, gjykata duke u bazuar në dispozitat e nenit 4,7, 17,40,41,42,46,73 dhe 74 KPRK si dhe nenit 365, 451,463 KPPK të pandehurit i shqipton

### **DËNIMIN ME GJOBË**

**I.** Të pandehurit i shqiptohet dënimi me gjobë në shumë prej 300(treqind) € të cilin dënim është i obliguar ta paguaj menjëherë pas plotfuqishmërisë së aktgjykimit.

**II.** Në bazë të nenit 275.paragr.3 KPRK konfiskohet substanca narkotike e llojit “marihuanë” në sasi prej 0,7 gr.

*III. I pandehuri obligohet që në bazë të nenit 39 paragr.3 pika 1 të Ligjit për Kompensimin e Viktimave të Krimet, në emër të taksës të paguaj shumën prej 30 €.*

*IV. I pandehuri obligohet që në emër të paushallit të paguaj shumën prej 25 € si dhe shpenzimet e procedurës penale sipas llogarisë përfundimtare të Gjykatës, në afat prej 15 ditësh.*

### **A r s y e t i m**

*Prokuroria Themelore në Gjilan ka ngritë aktakuzën PP.nr.155/2018 të dt. 05.02.2018 kundër të pandehurit Sh.R. nga ..., për shkak të veprës penale posedimi i paautorizuar i narkotikëve, substancave psikotrope dhe analoge nga neni 275 paragr.1KPRK, duke i propozuar gjykatës që të pandehurin ta shpallë fajtor dhe ta dënoj sipas ligjit.*

*Prokurorja e Prokurorisë Themelore në Gjilan Huma Jetishi, në seancën e caktuar lidhur me marrëveshjen për pranimin e fajësisë dhe sanksionit penal të mbajtur më dt. 22.02.2018, mbeti pranë marrëveshjes së arritur mbi pranimin e fajësisë të lidhur konform ligjit dhe dispozitave të nenit 233 KPPRK, me ç'rast i pandehuri është njoftuar për pasojat dhe natyrën e nënshkrimit të pranimit të fajësisë dhe mbetet pranë qëndrimit se janë plotësuar të gjitha kushtet ligjore që gjykata në tërësi të aprovoj marrëveshjen e përmendur.*

*Mbrojtësi i të akuzuarit, av.H.L.. dhe i akuzuari Sh.R., në tërësi janë pajtuar me propozimin e prokurorit të shtetit që propozimi të aprovohet, se gjatë arritjes së marrëveshjes i akuzuari ishte i vetëdijshëm për pranimin e fajësisë, është pajtuar me këtë dhe garanton se në të ardhmen nuk do të ndeshet me ligjin sepse sinqerisht e ka pranuar fajësinë. I akuzuari pendohet për veprën e kryer, deri sot nuk ka qenë i gjykuar, andaj, lutë gjykatën që të ketë parasysh këtë fakt, sepse edhe me këtë dënim ka për tu arritur qëllimi i ndëshkimit.*

*Marrëveshja për pranimin e fajësisë i përmban të gjitha faktet, propozimin për arritje të marrëveshjes për pranimin e fajësisë, njoftimin e të akuzuarit me të drejtat e tij dhe pasojat e pranimit të fajësisë, dhënia e deklaratës me shkrim, se i njëjti ka pranuar natyrën dhe pasojat e pranimit të fajësisë dhe se të gjitha këto i ka pranuar me vullnetin e tij të lirë.*

*Gjykata gjen se i akuzuari ka arritur marrëveshje për pranimin e fajësisë dhe të sanksionit penal konform nenit 233 KPPRK dhesë e njëjta marrëveshje është në harmoni me kushtet e parapara me nenin pikën 12 të këtij neni.*

*Gjykata vërtetoi se i akuzuari ka kryer veprën penale dhe konstatoi se nuk ekziston asnjë rrethanë për përjashtim e paraparë me nenin 248 KPPRK.*

*Gjykata aprovoi marrëveshjen për pranimin e fajësisë të lidhur në mes të PTH-Departamentit të Përgjithshëm nga njëra anë, të pandehurit dhe mbrojtësit të tij nga ana tjetër për kryerjen e veprës penale të cekur në aktakuzën PP.nr. 155/2018 të dt. 05.02.2018, pasi që për këtë janë plotësuar të gjitha kushtet ligjore.*

*Gjykatësja e vetme gjykuese vlerësoi se i pandehuri e ka kuptuar natyrën dhe pasojat e pranimit të fajësisë, se pranimi është bërë në mënyrë vullnetare nga ana e të pandehurit, pas konsultimit të mjaftueshëm me mbrojtësin e tij, se i pandehuri nuk ka qenë i detyruar në asnjë mënyrë të pranoj fajësinë. Pranimi i fajësisë ka mbështetje në faktet e cekura në aktakuzë dhe nuk ekziston asnjë rrethanë e paraparë me nenin 253.paragr.1 KPPRK.*

*Gjykata është e bindur se shqiptimi i dënimit me gjobë është në harmoni me peshën e kryerjes së veprës penale dhe se me këtë dënim do të arrihet qëllimi i dënimit nga neni 41. KPRK.*

*Vendimi mbi shpenzimet e procedurës penale është bazuar në nenin 451 KPPRK ndërsa vendimi mi kërkesën pronësoro juridike është marr në bazë të nenit 463 KPPRK.*

*Në bazë të cekurave të mësipërme është vendosur si në dispozitiv të këtij Aktgjykimi.*

**GJYKATA THEMELORE NË GJILAN  
DEPARTAMENTI I PËRGJITHSHËM  
P.nr.154/2018 më dt. 18.04.2018**

*Sekretarja juridike,  
Suzana Kovaçević*

*Gjyqtarja e vetme gjykuese,  
Snezhana Mihajloviq*

**UDHËZIMI JURIDIK:** *Kundër këtij Aktgjykimi është e lejuar ankesa Gjykatës së Apelit në Prishtinë – Departamenti i Përgjithshëm, në afat prej 15 ditësh nga dita e pranimit të njëjtit. Ankesa në dy kopje dorëzohet përmes kësaj gjykate.*

**Përktheu –  
Naile Keçmezi**